

## Áætlun Faxaflóahafna sf. um móttöku og meðhöndlun úrgangs og farmleifa

Faxaflóahafnir sf. fylgja samþykktri umhverfisstefnu og er skilvirk og ábyrg móttaka á úrgangi frá skipum einn þeirra þátta sem áhersla er lögð á. Áætlun þessi gildir í samræmi við reglugerð nr. 1200 frá 2014, um öll íslensk skip og um öll önnur skip sem koma til hafnar hjá Faxaflóahöfnum sf., að undanskildum erlendum herskipum, hjálparskipum í flota eða öðrum skipum í ríkiseign eða ríkisrekstri sem um stundarsakir eru nýtt í þágu hins opinbera til annars en viðskipta.

Grundvöllur áætlunarinnar eru lög um varnir gegn mengun hafs og stranda nr. 33 frá 2004, með síðari breytingum, ásamt tilheyrandi reglugerðum nr. 1200 frá 2014 um móttöku á úrgangi og farmleifum frá skipum og nr. 1201 frá 2014 um gjaldtöku í höfnum vegna losunar, móttöku, meðhöndlunar og förgunar úrgangs og farmleifa frá skipum. Lög um meðhöndlun úrgangs nr. 55 frá 2003 auk tilheyrandi reglugerðar nr. 737 frá 2003 um meðhöndlun úrgangs með breytingu nr. 969 frá 2014 og reglugerð nr. 806 frá 1999 um spilliefni með breytingu nr. 169 frá 2002. Einnig MARPOL-samningurinn um varnir gegn mengun sjávar frá skipum frá árinu 1973 ásamt bókun frá árinu 1978 (MARPOL 73/78) með tilheyrandi reglugerð nr. 801 frá 2004 um varnir gegn sorpmengun frá skipum.

1. Öll skip, að undanskildum fiskiskipum, skemmtibátum sem ekki mega flytja fleiri en 12 farþega, herskipum, hjálparskipum í flota, skipum sem þjónusta fiskeldi og skipum í ríkiseign eða ríkisrekstri sem nýtt eru í þágu hins opinbera, sem koma til hafnar skulu greiða úrgangsgjald samkvæmt gjaldskrá Faxaflóahafna sf.. Gjald má lækka ef umhverfisstjórnun, hönnun, búnaður og starfræksla skips er með þeim hætti að skipstjóri geti sýnt fram á að minni úrgangur verði til um borð.
2. Skipstjóri skips, sem er á leið til hafnar en er hvorki fiskiskip né skemmtibátur sem ekki má flytja fleiri en 12 farþega, ber ábyrgð á að tilkynning um úrgang og farmleifar í skipum, sé fyllt út með réttum upplýsingum og komið til viðkomandi hafnaryfirvalda:
  - a. með 24 klukkustunda fyrirvara áður en komið er til hafnar ef viðkomuhöfn er þekkt; eða
  - b. um leið og viðkomuhöfn er ákveðin ef 24 klukkustunda fyrirvari næst ekki; eða
  - c. áður en lagt er úr fyrri höfn ef sjóferðin er skemmri en 24 klukkustundir.

Útfyllt tilkynning um úrgang og farmleifar í skipum skal geymd um borð í skipi þar til komið er til viðkomuhafnar. Skipstjóri eða eigandi skips sem óskar eftir að láta á land sorp, farmleifar, olíuleifar eða mengandi efni skal óska eftir aðstoð viðurkennds þjónustuaðila, sem höfnin hefur samþykkt að annist móttöku og förgun á ofangreindum úrgangi frá skipum á hafnarsvæði hafnarinnar. Skipstjóri, eigandi skips eða þjónustuaðili skal undantekningalaust skila útfylltu eyðublaði til hafnarinnar um magn og tegund þess úrgangs sem skilað er á land. Misbrestur á því getur leitt til tilkynningar til Umhverfisstofnunar.

Óski skipstjóri eða eigandi skips eftir að höfnin annist móttöku á úrganginum er greitt tiltekið förgunargjald á hvern rúmmetra úrgangs samkvæmt gjaldskrá Faxaflóahafna sf.. Starfmaður hafnarþjónustu fyllir þá út meðfylgjandi móttökueyðublað og gefur skipstjóra sem kvittum fyrir móttöku úrgangs.

3. Skip í áætlunarsiglingum, sem hafa reglulega viðkomu hjá Faxaflóahöfnum sf., og hafa heimild frá Umhverfistofnun um undanþágu á skuldbindingum um tilkynningar, skil og gjaldtöku enda sé fyrir hendi hjá eigendum, umboðsmönnum eða rekstraraðilum skips fyrirkomulag sem tryggir afhendingu úrgangs. Þessir aðilar skulu afhenda Faxaflóahöfnum sf. í júní og janúar ár hvert upplýsingar um magn úrgangs sem tekið hefur verið á land hjá Faxaflóahöfnum sf. og með hvaða hætti staðið hefur verið að förgun þess.
4. Umboðsmenn skipa sem falla ekki undir 2. tl. skulu ábyrgast að viðkomandi skip skili úrgangi til viðurkenndrar móttökustöðvar og sjá til þess að upplýsingar um magn úrgangs sem tekið hefur verið á land skili sér til Faxaflóahafna sf. eigi síðar en við brottför skips.
5. Skipstjóri annarra skipa en getið er um í 2. og 3. tl. ber ábyrgð á því að úrgangi frá skipinu sé skilað í móttökuaðstöðu áður en látið er úr höfn og að upplýsingum um magn móttækis úrgangs sé skilað til Faxaflóahafna sf.
6. Olíuúrgang og hættulegum efnum skulu öll skip undantekningalaust skila til viðurkennds móttökuaðila og ber skipstjóri skips ábyrgð á því að svo sé gert. Á hafnarvæðum Faxaflóahafna sf. er, á tveimur stöðum í Reykjavík og einum á Akranesi, aðstaða til að minniháttar losunar á olíuúrgangi frá smábátum. Ef um mikið magn er að ræða skal skipstjóri óska eftir aðstoð viðurkenndra verktaka. Í þeim tilvikum skal Faxaflóahöfnum sf. skilað yfirliti yfir það magn olíuúrgangs sem losuð er til förgunar.
7. Þörf á aðstöðu fyrir móttöku á úrgangi hjá Faxaflóahöfnum sf. er metin út frá reynslu áranna 2005 - 2015 og aðstaða í samræmi við þær þarfir sem þekktar eru á þeim tíma. Þjónusta við skip og útgerðir er í höndum hafnarstarfsmanna eftir því sem við á, en annars í höndum eigenda skipa og farmflytjenda. Staðsetning móttökustöðva og stærð sorpíláta koma fram á sérstöku fylgiblaði. Faxaflóahafnir hafa að jafnaði á síðustu árum tekið á móti í móttökustöðvunum um 20 tonnum af úrgangi frá smábátum í Reykjavík, 15 tonnum af úrgangi frá smábátum á Akranesi. Ekki er gert ráð fyrir neinni formeðferð á úrgangi á hafnarvæðum Faxaflóahafna. Stuðst er við þjónustu viðurkenndra móttöku- og förgunaraðila á úrgangi.
8. Eftirtaldir þjónustuaðilar hafa starfsleyfi fyrir móttöku á úrgangi á starfsvæði Faxaflóahafna sf.:

Gámaþjónustan, Berghellu 1, Hafnarfirði	sími 5352500
Hreinsitækni, Stórhöfða 37, Reykjavík	sími 5677090
Hringrás, Klettagörðum 9, Reykjavík	sími 5501900
Íslenska gámafélagið, Gufunesvegi, Reykjavík	sími 5775757
Skipaþjónusta Íslands, Grandagarði 18, Reykjavík	sími 5617580
Gámaþjónusta Vesturlands Höfðaseli 15, Akranesi	sími 4350000
Íslenska gámafélagið á Vesturlandi, Akranesi	sími 5775757

9. Úrgangi er skipt upp í sex meginflokka. Úrgangsflokkar eru byggðir á þeim flokkum sem skilgreindir eru í viðauka MARPOL-samningsins. Flokkunin, aðferðir við móttöku, ráðstöfun og fyrirkomulag greiðslna koma fram í sérstöku fylgiblaði - Úrgangsflokkar.

Á árinu 2015 var tekið á móti eftirtöldu magni úrgangs í einstökum flokkum:

	<b>Reykjavík</b>	<b>Akranes</b>	<b>Grundartangi</b>	<b>Borgarnes</b>
Flokkur I	1325m <sup>3</sup>		66m <sup>3</sup>	
Flokkur II				
Flokkur III				
Flokkur IV	236m <sup>3</sup>			
Flokkur V	2836m <sup>3</sup>	232m <sup>3</sup>	208m <sup>3</sup>	
Flokkur VI				


Faxaflóahafnir sf. halda utan um, í gagnagrunni, allar tilkynningar um úrgang og farmleifar sem berast frá skipum sem koma til hafnar. Sé losun áætluð er, eftir brottför skips, kallað eftir upplýsingum frá þjónustuaðila um raunverulegt magn losunar úrgangs frá skipi og það borið saman við áætlaða losun. Séu veruleg frávik frá áætlaðri losun þarf útgerð skips að gera sérstaka grein fyrir þeim. Allar upplýsingar um áætlaða losun og raunverulegt magn eru afhentar Umhverfisstofnun í árlegri skýrslu.

10. Telji skipstjóri, eigandi eða umboðsmaður skips fyrirkomulag við móttöku úrgangs ófullnægjandi ber honum að tilkynna hafnaryfirvöldum það á þar til gerðu eyðublaði. Telji viðkomandi umkvörtunarefnið vera þess eðlis að vekja þurfi athygli umhverfisyfirvalda á því, ber honum að senda Umhverfisstofnun afrit af skýrslunni.
11. Faxaflóahafnir sf. halda árlegan fund með viðskiptavinum sínum. Á þeim fundum skapast vettvangur fyrir samráð um framkvæmd þessarar áætlunar.
12. Þessi áætlun Faxaflóahafna sf. um móttöku og meðhöndlun úrgangs og framleifa skal koma til endurskoðunar komi til meiri háttar breytinga á rekstri hafnarinnar eða þeim lögum og reglugerðum sem málefnið varða. Slík endurskoðun skal þó fara fram ekki síðar en á árinu 2019.
13. Hafnarstjóri Faxaflóahafna sf. ber ábyrgð á fyrirkomulagi móttöku úrgangs og framleifa hjá Faxaflóahöfnum sf.. Starfsmenn hafnarþjónustu annast daglegan rekstur móttökunnar og annast samskipti við skipstjóra og eigendur eða umboðsmenn skipa.

Reykjavík júní 2016

Gísli Gíslason, hafnarstjóri

## Yfirlit yfir staðsetningu móttökustöðva á vegum Faxaflóahafna.




### Reykjavík – móttökustöðvar á minniháttar olíuúrgangi og sorpi frá smábátum.

Olúgeymir, 800 lítrar við Norðurbugt

Olúgeymir, 800 lítrar við vigtarhús

Gámur fyrir blandaðan úrgang, 8 rúmmetrar á Bótarbryggju

Gámur fyrir blandaðan úrgang, 8 rúmmetrar við Austurbakka




### Akranes – móttökustöðvar á minniháttar olíuúrgangi og sorpi

Olúgeymir, 1100 lítrar, við Bátabryggju


Kar með loki fyrir spilliefni, 0,35 rúmmetrar, við Bátabryggju

Gámur fyrir blandaðan úrgang, 8 rúmmetrar, við Bátabryggju  
Gámur fyrir blandaðan úrgang, 25 rúmmetrar, á Aðalhafnargarði



### Grundartangi – móttökustöð á matarúrgangi frá skipum

Gámur fyrir blandaðan úrgang, 8 rúmmetrar, við færibandagang  
Kar með loki fyrir spilliefni, 0,35 rúmmetrar, við færibandagang



### Borgarnes – einungis sumarviðlega fyrir innan við tíu smábáta

Sorpílát fyrir blandaðan úrgang, 0,2 rúmmetrar, við ljósastaur á bryggju